



UNIVERSITÄTS-
BIBLIOTHEK
PADERBORN

**Series Romanorum Pontificum Cum Reflexionibus
Historicis**

Kolb, Gregor

Augustæ Vindelicorum, 1727

VD18 14497719

Præfatio Ad Lectorem.

[urn:nbn:de:hbz:466:1-70934](https://nbn-resolving.org/urn:nbn:de:hbz:466:1-70934)

PRÆFATIO

AD

LECTOREM.

REROSQUE Literatorum à natura & arte ita constitutos esse novimus, ut plurimum delectentur lectione eorum librorum, quos de præclaris Majorum nostrorum gestis nobis reliquere Historici. Et si enim paucorum sit serium & efficax desiderium, virtutes Majorum contemptis vitiis fortiter imitari, plurimorum tamen est, Veterum monumenta intueri, & eorum egregia facta mirari; unde experimur, ipsos etiam Pontificum Romanorum hostes infensissimos *Gesta Pontificia* continuo describere & lectione crebra volvere, de iisdem sæpè sermocinari, eorum aliqua mirari, pauca extollere, plurima suppressere, allatis in infamiae suppetias copiosis etiam fabulis & mendaciis. Hos minimè castigatos libros sciendi avidæ & incautæ juventuti velut mel dulcissimum propinant, ut mentes longioris experientiae & veteris Historiæ expertes quamprimum fucatis, non veris imbuantur principiis, ac

Quo semel est imbuta recens servaret odorem

Testa diu.

Atque sic fabulis potius, quàm Historiis innutriti juvenes in malè præoccupatos excrescunt viros, qui veluti Evangelica Oracula suas propugnant pessimè conceptas opiniones, quibus quasi solidissimis fundamentis inniuntur, negantes omnem aditum saniori Doctrinæ & Veritati Historicæ. Commiseratione hi digni, indignatione verò non indigni sunt Lectorum permulti, qui licèt ipsi ad manus habeant libros Historicos minimè suspectos, probè examinatos, absque sinistro affectu conscriptos, non falsò prætensâ Superiorum licentiâ in lucem editos, his tamen neglectis curiosos oculos intendunt & manus incautas extendunt ad malæ fidei autores, ex quibus haurire consueverunt sensim sine sensu suspiciones malas, imò sæpè pessimas opiniones e. g. de Romanis Pontificibus; unde Heterodoxis hac in parte vix nobiliores loquuntur crebrò sine fronte, sine rubore, cum pertinacia, cum impudentia sæpè & summa imprudentia. Dabis veniam hic effervescenti calamo, Amice Lector, si, quod scribit, constanti experientia manifestum fieri perpenderit. Docet enim verò quotidiana

na

na hominum Societas, multos eosque litteris etiam non incultos viros ea sibi non raro plurimum imprimere ex perfectis Historicis rerum capita, quae apta nata sunt non Illustrium Virorum famam & honorem integrum conservare, sed convellere, aut quantum in ipsis est, penitus tollere, vix loco laudibus sua ipsorum in memoria relicto. Horum nos ne exempla deteriora sequamur, selectum inter Authores Historicos perpetuo attendemus. Eundem selectum, dum de Romanis Pontificibus agemus, facile ex ipsorum authorum vel nomine vel tenore agnoscemus. Plurimi eorum fuere, quorum aliqui Romanae Gloriam partem maximam detrahere, alii eidem plus aequo tribuere, alii demum sepositis partium studiis compertam veritatem dicere conati sunt, suis quemque coloribus pingentes, haudquaquam pares iis pictoribus, qui ut ipsi placeant, effigiem innato vultu pulchriorem efformant. Quoniam vero eorum librorum, qui de Romanis Pontificibus inscripti sunt, pars major in densa volumina excrevit, pars autem alia minor vel sola Romanorum Praesulum nomina, vel annorum & dierum tempora, seu Chronologiam verius quam Historiam expressit, hac de causa optimum factu videbitur via incedere media, Pontificum nempe gesta non in magnum volumen extendere, sed nec brevissimo compendio constringere. Sequentur post singula Secula Reflexiones breves, quae paucis attingent Primitivae Ecclesiae statum, Scriptorum Ecclesiasticorum seriem, sed ante omnia multorum maximè Heterodoxorum falsissimas de Romanis Pontificibus opiniones. Caterum si hoc in opusculo quaedam occurrant, quae vel minus ad ornatum serviunt, vel stylo Historico parum conveniunt, aequi tamen bonique consulet Humanissimus Lector impensam operam, si consideraverit, me duo potissimum in eodem attendisse capita: Primum est, ut veritatem ante omnia sectarer simplicissimam: alterum, ut stylo non minus simplici DD. Auditoribus Academicis Historicam Veritatem proponerem: quibus igitur si labor meus probatus fuerit, & ego eorum votis satisfecero, ipsi meis desideris dederunt satis.

FACUL